



Broj: 11-11-1190/24

Datum: 15.07.2024. godine

Na osnovu člana 70. stav (3) Zakona o javnim nabavkama ("Službeni glasnik Bosne i Hercegovine" broj: 39/14 i 59/22), člana 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), a na prijedlog Komisije za javnu nabavku roba, usluga i radova, d o n o s i s e

ODLUKA **o izboru najpovoljnijeg ponuđača**

I

Za najpovoljnijeg ponuđača za javnu nabavku usluga: „Izrada projektne dokumentacije za sanaciju klizišta "Orahov Brijeg““, po provedenom otvorenom postupku javne nabavke izabran je sljedeći ponuđač:

Design & QC d.o.o. Sarajevo
sa ukupnom cijenom od 12.100,00 KM

(slovima: dvanaesthiljadajednastotina konvertibilnihmaraka) bez uračunatog PDV-a, odnosno 14.157,00 KM (slovima: četrnaesthiljadajednastotinapedesetsedam konvertibilnihmaraka) sa uračunatim PDV-om.

II

Za izvršenje ove Odluke zadužuje se Služba civilne zaštite Općine Vogošća.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Vogošća, Ul. Jošanička 80., 71320 Vogošća ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav a) do d) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača, s tim da datum izdavanja dokumenata ne smije biti nakon datuma podnošenja ponude.

IV

Odluka o izboru najpovoljnijeg ponuđača objavit će se na web stranici www.vogosca.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke Općinskog načelnika broj: 11-11-1190/24 od 14.06.2024. godine.

Procijenjena vrijednost javne nabavke bez uračunatog PDV-a je: 15.380,00 KM (slovima: petnaesthiljadatristotineosamdeset konvertibilnihmaraka).

Obavještenje o javnoj nabavci broj: 1353-1-2-131-3-97/24 od 14.06.2024. godine, poslano je na objavu na Portal javnih nabavki.

Komisija za provođenje predmetnog postupka javne nabavke imenovana je Rješenjem Općinskog načelnika broj: 02-04-1302/24 od 03.07.2024. godine.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda Komisije za javnu nabavku je vidljivo da su dana 09.07.2024. godine, pristigle ponude slijedećih ponuđača:

Redni broj	Naziv i sjedište ponuđača
1.	IPSA INSTITUT d.o.o. Sarajevo
2.	Design &QC d.o.o. Sarajevo
3.	Grupa ponuđača: PROFESSIONAL PROJECT d.o.o. Tuzla i Geo-InterMax d.o.o. Tuzla
4.	GeoAvas d.o.o. Sarajevo
5.	FM Inženjering d.o.o. Sarajevo
6.	WINNER PROJECT d.o.o. Sarajevo

Iz Zapisnika o pregledu i ocjeni ponuda Komisije za javnu nabavku roba, usluga i radova je vidljivo da se Komisija sastala dana 09.07.2024. godine u 17⁰⁰ sati, radi pregleda i ocjene pristiglih ponuda, te je Komisija konstatovala sljedeće:

a) Pravilne/prihvatljive ponude

Ponude ponuđača: IPSA INSTITUT d.o.o. Sarajevo, Design &QC d.o.o. Sarajevo, Grupa ponuđača: PROFESSIONAL PROJECT d.o.o. Tuzla i Geo-InterMax d.o.o. Tuzla, GeoAvas d.o.o. Sarajevo i FM Inženjering d.o.o. Sarajevo pravilne/prihvatljive jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, te tehničke i profesionalne sposobnosti) zahtjevane u tenderskoj dokumentaciji.

b) Nepravilna ponuda i obrazloženje

Nepravilna je ponuda ponuđača WINNER PROJECT d.o.o. Sarajevo jer ista nije čvrsto uvezana na način da se onemoguću naknadno vađenje ili umetanje listova, a kako je zahtijevano tačkom 8.1.5. tenderskog dokumenta kojim je propisano kako slijedi: "8.1.5. Ponuda se čvrsto uvezuje na način da se onemoguću naknadno vađenje ili umetanje listova. NAPOMENA: Pod čvrstim uvezom se ne podrazumijeva spiralno uvezivanje ponude, kao ni ponude dostavljene u plastičnoj fascikli, koje su pričvršćene heftaricom ili sličan uvez koji omogućava nesmetano mijenjanje listova ponude. U slučaju da ponuđač uveže ponudu na navedeni način, uvez mora biti dodatno osiguran jemstvenikom, ili mora biti uvezana u knjigu. Što se tiče kopija ponude, navedene trebaju biti uvezane na način da osiguraju da se listovi ponude ne rasipaju, te obzirom da se radi o kopijama ponude nije potrebno dodatno osiguranje jemstvenikom."

U skladu sa naprijed navedenim ponuda ponuđača WINNER PROJECT d.o.o. Sarajevo se kao takva nije mogla uzeti u dalje razmatranje.

Komisija za javnu nabavku je izvršila analizu cijena prispjelih ponuda, te konstatovala da ponuda ponuđača IPSA INSTITUT d.o.o. Sarajevo sadrži računsku grešku, po jediničnoj cijeni, a koja se odrazila i na ukupnu ponuđenu cijenu navedenu u ponudi, i ista treba da iznosi: 520.060,00KM bez uračunatog PDV-a, a ne 14.392,00 KM bez uračunatog PDV-a.

U skladu sa odredbama člana 9.4.1 tenderske dokumentacije ponuđaču je poslano obavještenje o ispravci računске greške. U ostavljenom roku ponuđač se pismenim putem izjasnio da ne prihvata ispravku računске greške te se u skladu sa naprijed navedenim članom tenderske dokumentacije ponuda ponuđača WINNER PROJECT d.o.o. Sarajevo, odbacuje.

Kriterij za dodjelu ugovora je najniža cijena.

Rangiranje prihvatljivih ponuda prema kriteriju za izbor ponude:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a
1.	Design &QC d.o.o. Sarajevo	12.100,00	0%	12.100,00
2.	Grupa ponuđača: PROFESSIONAL PROJECT d.o.o. Tuzla i Geo-InterMax d.o.o. Tuzla	13.785,00	0%	13.785,00
3.	GeoAvas d.o.o. Sarajevo	13.800,00	0%	13.800,00
4.	FM Inženjering d.o.o. Sarajevo	14.790,00	0%	14.790,00

Komisija za javnu nabavku roba, usluga i radova jednoglasno je predložila Općinskom načelniku da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača Design &QC d.o.o. Sarajevo, čija ponuda je ocijenjena kao najpovoljnija, na osnovu kriterija „najniža cijena“, u ukupnom iznosu ponude od 12.100,00 KM (slovima: dvanaesthiljadajednastotina konvertibilnihmaraka) bez uračunatog PDV-a, odnosno 14.157,00 KM (slovima: četrnaesthiljadajednastotinapedesetsedam konvertibilnihmaraka) sa uračunatim PDV-om, te da se ponuđaču Design &QC d.o.o. Sarajevo dodijeli Ugovor.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila te da je Odluka o izboru najpovoljnijeg ponuđača donesena jednoglasno, u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08- 02-2-8303-1/14 od 09.10.2014. godine.

Po Ovlaštenju Općinskog načelnika
Pomoćnik načelnika
Fetah Kadrić



Izradila: Jasna Salihović

Jasna Salihović

Kontrolisala po Ovlaštenju Općinskog načelnika

Rukovodilac Stručne službe za poslove

Općinskog vijeća i Općinskog načelnika: Mahira Čolić

Mahira Čolić

DOSTAVITI:

- IPSA INSTITUT d.o.o. Sarajevo
- Design & QC d.o.o. Sarajevo
- Grupa ponuđača: PROFESSIONAL PROJECT d.o.o. Tuzla i Geo-InterMax d.o.o. Tuzla
- GeoAvas d.o.o. Sarajevo
- FM Inženjering d.o.o. Sarajevo
- WINNER PROJECT d.o.o. Sarajevo
- Nadležnoj Službi
- a/a